



Synfocity = 466

mail us at : mzsynfo@gmail.com; mizoramsynod@gmail.com - Phone - 2314648

28th November, 2013

□ SEC Vawi 248-na

Nimin (Nov. 27) chawhma dar 10 khan Synod Executive Committee vawi 248-na chu Synod Office-a JM Lloyd Hall-ah a thu. Meeting hi Rev. Lalramliana Pachuau, Synod Moderator-in a kaihrui a, Rev. H. Lalrinmawia, Synod Secretary-in reports a pe.

He Meeting hian Thurel pawimawh tak tak 11 a nei. Synod Nomination Committee member thlakna te, Hospital Director thar tur Search Committee reports te, Motor hlui tihral chungchang te, SMTC Compound Master Plan leh Rain Water Harvest chungchang te, Synod pum huapa Quarters type leh Patna Field Headquarters hmun tur lei dilna te chu a langsar zual an ni.

SEC meeting-ah hian member 130 an kal a ni. Vawiin (Nov. 28) hian SEC Vawi 249-na an thu chhunzawm dawn a, Kum 2014-15 Synod Budget thar tur an thlirho ang a, additional budget dilna ngaihtuah a ni bawk ang. Tun tangka kum kal mek chungah hian Pastoral leh Mission belhkhawmin additional budget Rs.11,26,86,000 dilna a lut a ni.

□ Counselling Training vawi 23-na khar

Family Guidance & Counselling Centre (FG&CC) chuan November 13 (Nilaini) atang khan Pastor-te puala Intensive Residential Pastoral Care & Counselling Training vawi 23-na, Synod Conference Centre-ah a buatsaih a, he training-ah hian kum 2011-a nemngheh Pastor 14 an tel a, Resource person te chu - Rev. R. Lalmingthanga, Rev. C. Rosiama, Rev. Lalrinmawia, Rev. J. Vanlalhnuna, Rev. Zothansanga, Dr. Ruth Lalmuanpui te an ni.

November 24 (Pathianni) tlai khan Synod Conference Centre-ah training kharna neih a ni a, training kharna inkhawm hi Rev. R. Lalmingthanga, Director, FG&CC-in a kaihrui a, Rev. PC Pachhunga'n training chhuakte hnenah Certificate semin thuchah a sawi. Training chhuakte chuan training an hlawkpui dan a lema an ziak chu entirin an hrihfiyah a, Rev. K. Lalzarzova'n training te aiawha thu sawiin, Mizoram Synod Choir an zai bawk.

FG&CC hian 1991 atang khan Pastor-te pualin Counselling Training hi a buatsaih thin a, kum 2002 aang khan Kohhran Upa te pualin a buatsaih thin bawk. Pastor 390 leh Lay Leaders 332 hnenah Training pek an ni tawh a ni.

□ Bible Sunday

December 1 (Pathianni) hi Bible Sunday a ni a, Bible Society of India (BSI) zawmtu Kohhran hrang hrangten hemi pual hian programme an hmang ang. Presbyterian Kohhran chuan thupui pahniha a siam a, Kohhran thenkhat tum hnih programme siam theite tan ruahman a ni. Inkhawm tum khat hmangte tan a eng zawk zawk emaw, a pahniha kaihkawpin emaw hman theih a ni bawk. Bible Society puala thilpek lak khawm tur a ni a, Branch Treasurer hnenah theh luh tur a ni. Kumin Bible Sunday thupui turte chu -

- ♦ Bible - Krista hnenah min hruiatu (Johana 5:39; 17:17)
- ♦ Bible - Rinna leh thilitiha thuneitu (Thufingte 30:6; Hebrai 4:12)

□ Kohhran Hmeichhe Ni

November 29 (Zirtawpni) hi **Kohhran Hmeichhe Ni** a ni a, Presbyterian Kohhran Hmeichhiate chuan hemi pual hian programme an hmang ang. Kohhran Hmeichhe Ni hi kum 1997 atangin hman tan a ni a, kumin hi vawi 17 an hmanna tur a ni.

Kohhran Hmeichhe Inkhawmpui Lian-in Kohhran Hmeichhe Ni bik neih hi a rel a, *Synod Executive Committee (SEC)* in November Zirtawpni hnuhnung ber hi *Kohhran Hmeichhe Ni* atan hman ni se tia a relsak angin kum 1997 atangin hman thin a ni. *Synod Calendar*-ah pawh Synod Ni pawimawh zinga dah tel a ni bawk. Central Kohhran Hmeichhe Committee chuan hemi pual hian programme a duang a, 'Media hman tangkai dan leh inven dan' tih thupui zirho a ni ang. Chawhma Inkhawmah Thupui zirho a ni ang a, chawhnuah Bial/Kohhranin tha an tih angin programme an hmang ang.

□ Social Front

December 2 (Thawhtanni) zan dar 6:30 hian Zosaphluia Building, Mission Vengah Aluminium Mistiri Training Certificate hlanna neih a ni ang. Aluminium Mistiri Training hi Synod Social Front leh Bhagwati Sai Alloy tangkawpin an buatsaih a ni a, mi 17 ten training hi an nei a ni.

Certificate hlanna inkhawm hi Rev. P.C. Pachhunga, Executive Secretary in programme a kaihrui ang a, Social Front Coordinator Upa H. Lalmingmawian thupuanna hun a hmang ang a, Synod Moderator Rev. Lalramliana Pachuau in trainee-te hnenah Certificate a hlan ang a, thu a sawi nghal ang. Mizoram Synod Choir leh NI. Stacy V.L. Muanpui te an zai bawk ang.

□ Kristian Thalai Pawl

- ♦ Tumpui Branch, Kolasib Golden Jubilee (November 30) hmanpuiin Asst. Leader Upa Dr. Samuel Vanlalhlanga a kal ang.
- ♦ Welsh International Choirmaster Eilir Owen Griffiths chuan January 3 -12, 2014 chungin Mizoram Synod a rawn tlawh dawn a, Synod Choir leh Aizawl khawpui chung Bial Zaipawl Conductor-te training a rawn pe ang. Training pek dan tur programme kimchang CKTP Committee-in a duang mek a, hriattirna tihchhuah thuai a ni ang. Choirmaster Eilir-a hi KTP dinchhuaktu Rev. Owen W. Owen-a fapa Rev. Anuerin Owen @ Zolawma'n a rawn tawiawm dawn a ni.

- ♦ Central KTP-in Zu leh Ruihhlungaite chhanchhuahna sponsorship a kalpui mek chu Branch thenkhat ten an hmang tangkai tan ta. Hetiang lama harsatna nei, sim duh leh Home-a awm duh, sum leh paia harsate chu CKTP-in a pui thei reng a, Branch kaltlana inhriattir theih zel a la ni.

- ♦ Mizoram Synod Choir chu December 2 (Thawhtan) zan hian Synod Social Front buatsaih Aluminium Mistiri Training (Oct. - Nov.) kharna inkhawm, Zosaphluia Hall-ah an zai ang.

□ Hruaina Eng FM Radio & TV Programme

- ♦ **NOVEMBER 29 (FM Zoawi Aizawl @ 7:30 p.m.) :**

Solo : Laldusaki - A va na em, **Choir** : Besy Choir - Isua kiangah, **Thuchah** : Bonny Lalrindika - Inthlan thuchah, **Choir** : Khatla Kohhran Zaipawl-Ka Nunna Lalber, **Solo** : Nancy Zothanmawii - Rorelna Dik

- ♦ **NOVEMBER 29 (FM Lunglei @ 7:30 p.m.) :**

Choir : Besy Choir - Isua kiangah, Synod News, **Solo** : Laldusaki - A va na em, **Thuchah** : Bonny Lalrindika - Inthlan thuchah, **Choir** : Lunglei Chanmari Bial Zaipawl - Lei ka in ani lo, **Solo** : Nancy Zothanmawii - Rorelna Dik Ang, **Choir** : Lunglei Presbyterian Choir - Ka Hrethiam Tawh Ang

- ♦ **DECEMBER 1 (TV Programme @ 3:00 p.m.) :**

Zaipawl : Bawngkawn Bial Zaipawl - Amen, **Round-Up** : November, Synod Inkhawmpui 2013 Inbuatsaihna, **Group** : Mizo Vocal Band ft. Zoramchhani - Hun leh nite, **Bihchianna** : Grace Home

Contd...

☐ **Susamachar Prasaran Programme**

DECEMBER 1 (Pathianni) 5:00 pm. Hindi Gospel Programme (Susamachar Prasaran) :

Group/Choir/Solo : Sihphir Vengthar Masihi Sangati - Na to bal se, **Group/Choir/Solo :** Chanmari West - Yesu Mere, **Sermon :** Lalramzauva - Apne Margong Ka Dhyana karo, **Group/Choir/Solo :** Luangmual Vengthlang - Shristi, **Group/Choir/Solo :** The Leprosy Mission Choir - Ham Soup Te He

☐ **Moderator Programme**

Synod Moderator Rev. Lalramliana Pachuau chuan November 30 (Inrinni) hian ITI Vengchhak Biak In thar a hawng ang.

**2013 SYNOD INKHAWMPUI PROGRAMME
(3-8 December, 2013; Ramhlun North)**

Dec. 3, 2013 (Thawhlejni)	9:30 a.m. - 4:00 p.m. 6:30 p.m. Zaipawl	NOMINATION COMMITTEE PATHIAN BIAK INKHAWM Inlawmna leh Report 1) Leitan Bial 2) Mizoram Synod Choir
Dec. 4, 2013 (Nilaini)	9:30 a.m. - 4:00 p.m. 6:30 p.m. Thuhrihtu Zaipawl	SYNOD ROREL PATHIAN BIAK INKHAWM Rev. Laldailova, Chaplain, Civil Hospital 1) Thuampui Bial 2) Chhinga Veng Bial
Dec. 5, 2013 (Ningani)	9:30 a.m. - 4:00 p.m. 6:30 p.m. Thuhrihtu Zaipawl	SYNOD ROREL PATHIAN BIAK INKHAWM Rev. Lalneihvura, Venghnuai 1) Venghnuai Bial 2) Khawlailung Dinthar Bial
Dec. 6, 2013 (Zirtawpni)	9:30 a.m. - 4:00 p.m. 6:30 p.m. Thuhrihtu Zaipawl	SYNOD ROREL PATHIAN BIAK INKHAWM Biateram Synod Palai 1) Kolasib Venglai Bial 2) Zemabawk Bial
Dec. 7, 2013 (Inrinni)	9:30 a.m. - 4:00 p.m. 6:30 p.m. Thlarau lam thupui Thuhrihtu Zaipawl	SYNOD ROREL PATHIAN BIAK INKHAWM 'Pathian nena lendun' (Mika 6:8) Rev. Dr. Roger Gaikwad, General Secy., NCCI, Nagpur 1) Kawrthah Bial 2) Sumsuih Bial
Dec. 8, 2013 (Pathianni)	10:00 a.m. Thurin zawttu Thuchah sawitu leh tawngtai saktu Zaipawl 1:00 p.m. Thehtu Zaipawl 6:30 p.m. Moderator Valedictory Sermon Zaipawl	PASTOR NEMNGHEH LEH PRO. PASTOR DAHNGHEH INKHAWM Rev. Chawngmunrai, Ruprai, Tripura Rev. J. Lalremsiam, Durtlang 1) Electric Veng Bial LALPA ZANRIAH SAKRAMEN Rev. K. Lalhmuchhuaka, Moderator 1) Serchhip Bial 2) Presbyterian Choir, Lunglei PATHIAN BIAK INKHAWM Rev. Lalramliana Pachuau, Moderator Kalchhuak 1) Ramhlun North Bial Zaipawlpui 2) Mizoram Synod Choir

**KOHRANHO HRIATTIR THAR LEH NAN
TESTIMONIAL LEHKHA HMAN DAN**

Kan Kohran hian kan Kohran mite dinhmun hriattira lehkha (Testimonial letter) kan nei a. He lehkha hi tute emaw, member an nihna Kohran atanga eng emaw ti hun chung hmun danga awm turte tan kan pe chhuak thin a, annin an va awmna tur Kohranah an pe lut thin.

Testimonial lehkha hi Kohran leh Kohran indawrna thilah chauh hman tur a ni a, mimal hamthatna thilah emaw, politics thila infak mawi nan emaw hman a rem lova. A hmanna tur dik taka kan hman dawn pawhin a Form awmsa baka recomment-na thu ziak belh loh tur a ni ang.

REV. LALRAMLIANA PACHUAU
Moderator
Mizoram Presbyterian Church Synod